

Warhafftige zeitung, wie
Keiserlich Maiestat zu Paris
ankommen 1540.

N^e
2152





Wahrhaftige / auch ganz
glaubwürdige Neue Zeitung / wie Kaiser-
lich Maiestat / jüngst erschienen / den Fünfften Januarij /
dieses. K. L. Jars / zu Paris im Franchreich ankunnen ist.
 Auch mit was Pomp vnnnd Pracht er empfangen
 vnd geerwirdigt worden sey. Alles gegen-
 wertig gesehen / erfahren vnnnd schrift-
 lich verfasset / wie nachfolgendts
 Klerlich angezeigt
 wirdt.

A. d. Bibliothek
 des Thüring.-Sächs.
 Geschichtsvereins.

KOEN. BIBL.
 DER
 UNIVERS.
 HALLE.



74. 867

1893/49 2842



Dch habe mich wol vñ ernstlich beflissen / auch eigentlich
in gedechtnus verfasst (geliebter Herr vnd freunde) an
zuzeigen vnd zu offenbaren / was sich verlauffen vnd zu
tragen hat / von letzt an / bis zu der einreitung inn diese
Stadt Paris. Tu das einreiten zu Amborses / Bleiß vnd Orleans /
seind fast herrlich gewesen / aber das einreiten zu Orleans / ist weit
darüber gewesen.

Es zogen Sechs Tausent zu fuß wol gepuzet vor dem Keiser
her / vnd hundert vnd zweinzig Burger vñd Kauffleut vor der
Stadt Orleans / fast wol beritten / in schwarzen sammeten Kappen
zerhacket / ire wammes von weissem sattin / mit weissen ermlen / mit
sameten pareten / schwarz vnd weisse federn darauff / mit viel gül-
denen Ketten am hals hangen / vñ jeder ein feur püchsen am satel
hangend. Nach diesen der Rector der Vniuersitet in iren rote röß-
en / mit roten Kappen / gefüttert / vñ zewy hundert Studentē zu fuß
vberaus köstlich bekleidet / auch mit gülden Ketten / deren jeder ein
feur püchs. Diesen nach zoge das Regiment vñ Gericht der Stat
samt den Finanzen / Burgern vnd anderen der Stadt. Die zwey
hundert Edlen des Königs / die der zeit zu Orleans waren / zogen
diesen nach vor dem Keiser / Der himel daruntr der Keiser reit /
was von ein mosierten güldnemstück / vñd darinn gesprengt die
wappen der Stadt Orleans. Der Delphin vnd Herzog von Orles-
ans / ritten neben dem Keiser / von der Stadt porten bis in des Bi-
schoffs Hoff. Der Keiser bleib nur ein nacht da selbst / nemlich den
Sambstag vor der heiligen drey König tag / Den Sonntag was
sein ritt gen Artamays / den Montag gen Plonnens / dahin der Kö-
nig auch kame auff einem Schlitten / auff welchem gemacht was
ein kammer on Camin / vnd gerings vmb verglaset / vñ die büne ge-
deckt mit schwarzem samet / auch mit gelben negeln auffgenagelt
darunter geleget was grüner sattin. Diesen Schlitten zogen funff-
zig pferd neben einander par vnd par / vnd je zu zweyen paren ein
surman / Vñ vor diesen giengē sechzig Friesen den weg zu ebnen.
Das einreiten dieser Stadt vnd Schlos Fontanie Blean / ist gewes-
sen mit hundert Kürissern aus Albania vnd andere leichte pferdt /
der Hauptleut waren der Delphin vnd der Herzog von Orleans /
Der Marggraff was von der gesellschaft des Delphin / das Pa-
nier was schwarz sammet / gestickt mit silberen tröpflin / Vnd das
Panier

panier der Herzogen von Orleans / was von einem gegretten sam-
mat / gestickt mit silberen laublin / Der Marggraff zerbrach sein
spies gegen einem pfosten / darnach wörte er sich mit dem schwerd
zu roß vnd zu fuß in den barren / als in gegenwertigkeit des Keisers
vñ Königs sampt dem frawen zymier. Darnach reit der Marggraff
wider gen Paris / sich zurüsten auff den Turnier. Das Schlos Fon-
tanie Bleau / was wunderbarlich zugerüst mit alen Historien. Der
Keiser vñnd König haben da selbst gerastet vom Mittwoch an
bis auff den Dinstag / da ist der Keiser auff die nacht geritten gen
Corbey / vnd die malzeit was bereit in dem feld / da was ein geiayd
zugerüst / Vnd nach der malzeit ist der Keiser in des Königs schiff
gefessen. Der Cardinal / der Marschalck / vnd der Herzog von Ala-
buges / leistetē dem Keiser gesellschaft / aber das schiff ward durch
die Schiffleut vbel regiert / dan sie furen auff ein pfal / das sich das
schiff umbwandt / vnd der massen das der Steyerman ins wasser
fiel / das ihm etliche in kleinen schifflein zu hülff kummen musten.

Am Mittwoch darnach / was die malzeit zu der newen Stadt
Sant Jörgen / zugericht / vñ die nachtherberg zu Bois Vincennes
vñnd dieweil der platz zu solchem grossen volck klein was / ist der
Fürst auff das nachtmal vñnd zum nachtleger an das selbig ort
geritren. Es were den Closter frawen nicht daran gelegen / ob viel
volcks da bliebē were / dan ihr ob sechs hundert da selbs seind. Der
Marggraff kame dem Fürsten entgegen wol mit dreissig Edlen /
vñ ritten durch Sant Anthonien gass / vnd ist zu herberg eingerit-
ten in des Racherren haus / genant Baudin / vnd der Marggraff
nahe darbey / alles nahe beym Hoff da der Keiser vñnd der König
Herberg hatten.

Ich las jezund das beruhen bis darnach euch zuberichten / was
grossen fest der Fürst gemacht hab zu Fontainne Bleau den ver-
gangnen Sonntag / den besten Spaniolischen Herren / die mit dem
Keiser kummen waren / ist diese meinung. Der Erst ist gewesen der
Herzog von Albe der gros Truchses / der Graff von Aigremont /
der Pellus Flegis / der Chadt Adellet / Donpetter vñ grossen huff-
meister Mayonne / der Herr von Gnyse / vnd Herr Claude sein son /
hielten inen gesellschaft / vñnd sicherlich der Fürst wolte inen wol.
Der Cardinal vñ der Marschalck haben sollen dabey sein / aber sie
waren bey dem König / welcher ein wenig Franck was vom Samb

2 ij stag

stag her / als er zu feld gewesen war / dan es grosser regen vnd wind
was. Der Keiser schos auff dem selbigen getayd / drey hirtz vnd ein
hünnin mit einer fewrpüchsen vnd ein armbrust / dann ihm was
wol mit dem fest / Der Herr von Gnise was sein fürer im selben ge
gaid / bey dem ass der Keiser am Sambstag zu mittag im jaghaus
das der König neulich het machen lassen den jegern vñ falcknern.
Vñ das ich kum auff die erst meinung von dieser Stat / am Mit
woch vergangē vmb .ij. oder .iij. stund nach mittag / kam der Legat
des jezigen Papsts sons son / gen Paris / welcher schon empfangē
ward / vñ ritten ihm entgegen der mererteil der geistlichē / auch der
Cantzler des Parlamēts / der Rechenkammer / der Probst von Pa
ris mit zwey hundert schergen der Stad / vñ ritt vnter einem himel
mit weissem damast / vñ reit zu Sanct Jacobs pforten ein / vñ reit
durch die selbig gassen bis in vnser Frayen Kirchen / welch fast köst
lich geziert was / vmb seinet willen vnd vmb des Keisers willen.
Am Donnerstag vergangen hat sich der Fürst von Lotringen frü
auffgemacht / des gleichen der Marggraff / vnd assen frü zu mit
tag / darnach ritten sie zubesuchen den Delphin vñ den Herzogen
von Orleans / mit ihnen zu reitten zu Sant Anthonien / welches ist
auff zwey bogenschüß / von des Keisers herberg / da er zu mittag
gessen hat / Vnd als sie auff die Abtey ritten / wurden mehr dann
tausent oder xij. hundert stück püchsen geschossen / jede drey mal /
Vnd das einreiten hub an vmb ein vhr nach mittag in gutter ord
nung / Vnd zum ersten waren mehr dann .lx. tausent Man / so von
der Stad vñ dem Land gegen einander gestelt / bis zu des Keisers
herberg. zum ersten zogen .lx. Scharganten zu fuß / vñ ein jeder ein
stecken in der handt darmit platz zu machē durch die gassen / denē
nach auff vier hundert Archiers von der Stadt / alle mit gestickten
wappenröcken / mit vier fenlin / die halben furten fewr püchsen am
Sattel / vnd die andern mit langen spiessen auff den achseln / alle
wol beritten / denen noch zogen auff hundert vñ funffzig stad Kin
der fast wol beritten / mit schwarzē sameten kappen / auch gelb sa
meten wammes / ein ermel gelb vnd rot / vnd das oberteil der hosen
gleich also geteilet / fast viel güldener ketten an helsen / die pareten
von samet / gestickt mit gold vnd edlen gesteinen / vñ ein weisse fe
der darauff / auch jeder ein fewr püchsen am sattel. Denen nach zo
gen sechs hundert knecht / all in schwarz bekleidet / mit allerley gat
tung

bung von gewöron. Denen zogen nach die vier Stetmeister in rot bekleidet mit iren gefütterten Kappen vnd morsel auff den köpffen.

Diesen nach zogen die Herren des Parlaments auff achzig / alle in rot bekleidet mit iren Kappen. Darnach die Advocaten / Procuratorn vñ Gerichtes Herren / von Chetelet bekleidet mit schwarz / vñ die Kappen gleicher farb. Denen nach der Preuos mit funffzig Archier / ihre wappenröck mit silber gestickt / Darnach der Preuos / der Marschalck vñ Hoff Preuos / mit ihren Archier / vnd darnach vier Hauptmänner der porten / ire wappenröck mit gülden flinder / lin gestickt / die die ordnung in den gassen machten. Diesen nach zogen die zwey hundert Edler sampt iren Hauptleutē in guter ordnung vnd darnach aller Fürsten Edelleut in grosser zal. Darnach der Herr von Sedant mit den hundert Schweizern / alle in samet bekleidet / in des Königs farb / Vnd denen nach die Herren von der Cantzley / mit rotem samet Carmesin bekleidet / vñnd darnach die zwo Königlichen Massies / in gleich förmiger Kleidung.

Denen nach zoge ein weisser zelner mit braunem samet Cramosin bedeckt / vberspreitet mit gülden Lilien / der trug des Königs gros sigel auff einem gülden küssen / bedeckt mit einem seidenen tuch / Neben welchem giengen acht man die daran griffen / mit sameten mentlen / zu fuß vñnd mit blossen heuptern / vñnd dem nach gieng der gros Cantzler in seinen habit / darnach zweinzig Trumeter / etliche des Königs / vñnd etlich anderer Fürsten / die blisen mit grossen schall. Der Herr von Gnyse vñ des Königs oberster Truchses zogen mit einander in fast grossen pomp / darnach die Heroltē mit ihrer Kleidung fast köstlich. Diesen nach ritten acht Cardinel in iren zierden / darnach der Marschalck mit einem gülden Soyen vnd ein blos schwerd in der handt / an stat des Königs / Vnd dem nach der Keiser vnter ein gülden himel / wol geziert mit edlen gestein / vnd neben ihm zu beiden seitten der Delphin vnd der Herzog von Orleans mit dem Orden am hals hangēde. Denen folgten der Herzog von Lottringē / der Herr von Vendome / der Herr von Sant pol / vñ ihnen nach alle junge Fürsten fast köstlich. Darnach die Ritterschafft vom Orden inn grosser anzal / vñnd zu letzt zogen die Capitaniē vnd vier hundert Trabaneen des Königs / je drey in einem glied / ire wappenröck mit köstlichem beschleg / vñ also zogen sie an gros geschrey / von der pforten an durch die strass

Sant Antonien hin/bis zu vnser Frawen Kirchen/vnd auff vnser Frawen bröck/waren zwen bögen/auff jedem ort einer/mit des Keisers wappen geziert/vnnd die bröck gar bedeckt mit schönen Krenzlin von allerley blumē/vñ an viel örten der Stadt schöne spiegel zugericht. Da zoge alle ordnung für zu dem palast/vñ der Keyser/die Fürsten vñ Cardinal/zogen in vnser Frawen Kirchen hinein ihr gebet alda sprechende/on verendert der ordnüg/vñ von dannen zogen sie in den Pallast/vñ bey dem marmelstein styg der Keiser ab gleich bey den stafflen/vñ da was zuuor da hin kommen der König mit sampt dem Cardinal von Lottringen/die empfiengen in vor den stafflen/hießen in wilkomen sein in sein haus/vnd das sein Königreich vnd er selbs zu seinem gefallen weren. Da diese red vergieng namen sie einander vnter die arm/vnd furten den Keiser in sein kammer. Die Königin/des Königs tochter/sampt den Frawen/waren vorhin dar komen/wiewol der König/die Königin/sampt allem frawen zymmer/hatten sich vermuzet in Sant Antonien gaß/vñ heimlich gechon gegen den türkin/auff das man sie nicht kennē solte/damit sie möchten die ordnung vñ das einkommen sehen. Ich kan euch nicht gnugsam beschreiben/wie der gros Saal geziert was/auch die kammeren vñ die geng/besonder des Keisers kammer vñ Saal/zum bancket waren vberaus zugericht/wie ichs gesehen hab. Des gleichen die ordnung des nachtmals ist also gewesen/damit ich euch das einreiten zuschicken möchte/einmal eigentlicher vnd bass in ordnung gesetzt/dann einer allein mag nicht eins mals alle ding so eigentlich vernemen.

zum Ersten saß der Keiser/vnnd auff ein Pariser ein weit von im/saß der König/bey dem am nehesten sein son/darnach der König von Navarra/der vorgenant Legat/der Cardinal von Bourbon/Cardinal von Lottringen/der Cardinal von Chastillon vnd von Bellay. darnach der Herr von Vendome Herzog zu Lottringen/der Graff von Sant pol/der Herzog von Albe die vnter ihnen waren/Vñ für das legt der Fürst von der fels Surion/die sassen alle auff einer seitten. Der Marggraff was des Keisers Credenzer/der Herr von Clauerre/was fürschnaider/des Herren von Vendome bruder/was brot lifferer mit sampt dē Herren vñ Dompalle. Der König auch andere Fürsten het jeder mit mer dan einen Man der ihm mit trincken dient vnd nit wetter. Der Freyherr von
Algerre/

Aggerre/was verordnet auff den fürsten von Lottringen/Vor den
brachten waren allweg zwölff Trummeter/zehen Herole/drey mit
brinnenden torchen/zwölff Hoffmeister/alle mit bloffen heubtern.
Denen nach trat der Großmeister oberster Marschalck mit einem
stecken zu rings vmb gemacht nach alter manier vergülbet/den
trug er auff der achslen/in einem gülden stück mit schwarzem sa-
met vberaus köstlich/mit bildnern/mit Rubinen vñ Diamant/seis-
ne hosen vñ schuh waren weis/vñ die Edlen der besten geschlecht
trugen die kost. Zu end des nachtmals schanckte der Keiser den Her-
rolten vñ Trummetern ein vergült geschirr/wage. xxiiij. marck/die
machten ein geruff auff dem Saal/miltigkeit/freiheit. Nach dem
Nachtmal wurden gemacht mummereyen vnd tanz. Der Keiser/
der König/die Königin/alle Fürsten vñ Frawen lagen den merer
teil im Pallast den abent. Am Freitag vor der heiligen drey König
tag/hat das Stechen vnd Turnieren angefangen/vnd weret bis
den mornigen tag ganz. Die Frawen haben beim Keiser vnd Kö-
nig erhalten/zu bleiben bis auff die Mitwochen/damit sie der hei-
ligen drey König tag da blieben.

Der Herolden dancksagung der geschencke so inen der Keiser
nach dem nachtmal gethan hat.

Es waren zwölff Trummeter vnd zehen Herolt/die die schenck
empfiengen/vnd huben die Trummeter an zu blasen zu drey malen
miltigkeit. Darnach redte einer vnter inen also. Aller höchster/aller
mechtigster/aller vberschwencklichster vñ grosmechtigster Fürst
Karole von Gottes gnaden Römischer Keiser/allzeit merer des
Reichs 2c. Vñnd solch geschrey was inn dem ganzen Saal zehen
oder zwölffmal/vñnd wann ein geschrey vergieng warde aber ge-
schrien/miltigklich/miltigklich. Der Keiser schied von Paris den
tag nach der heiligen drey König tag/vnd haben ihn geleitet viel
Fürsten vnd Herren/vñnd nemlich der Fürst von Lottringen/als
man acht/bis gen Sencteten oder Schampangen/verhoffende
doch alle bis Liechtmes in Lottringē zu sein/od im land zu Voirt.

Erklärung etlicher wörter hienor geschrieben.

Der König/wird genant der König aus Franckreich. Der
Delphin vñ Hertzog von Orleans/seind beide des Königes Søn.

Der Fürst/wird verstanden der Hertzog von Lottringen. Der
Marggrnff/wird verstanden sein Eltester Son.

Beschrieben den fünfften Januarj/im Jar. M. D. XL.


Faint, illegible text, likely bleed-through from the reverse side of the page.



No 2152

ULB Halle

104 072 51





No 2152

ULB Halle

3

004 972 651







B.I.G.

Farbkarte #13

Blue Cyan Green Yellow Red Magenta White 3/Color Black

2

schafftige / auch ganz
würdige Neue Zeitung / wie Keiser
estat / jüngst erschienen / den Fünfften Januarij/
L. Jars / zu Paris inn Franckreich ankummen ist.
mit was Pomp vnnnd Pracht er empfangen
nd geerwirdigt worden sey. Alles gegen
wertig gesehen / erfahren vnnnd schrift
lich verfasset / wie nachfolgendts
Klerlich angezeigt
wirdt.

othek
-Sächs.
roins.



1893/49 2842

